

15/04/2015 فيسبوكيات

مازن أطرش: على أيامهم كانوا الناس يموتوا بشكل عادي!



1- أحد أقاربي يقيم بالمناطق المحررة في ريف حلب، بالطريق استوقفه احدهم وترجاه ليوصله بسيارته بقوله:
يرحم ابوك وصلني!
قريبى ما خجله ووصله بسيارته ..
كان مع قريبى بالسياره بنته الصغيرة (اربع سنين) اللي انتبتهت لعبارة يرحم أبوك! فسألت ابوها: بابا .. ليش ابوك
ميت؟
اجابها: اي يا بنتي ..الله يرحمه..
سألته ثانية: شلون مات .. نزل عليه برمىل .. إلا ضربه قناص؟



قريبى.. ضحك وجاوبها: لا والله يا بنتى.. مات طبيعي.. على أيامهم كانوا الناس يموتوا بشكل عادي!

2- اليوم.. وانا عبسوق.. شفت طير.. عصفور جميل قاعد بالارض!! بشكل غريب.. بجانب السيارات المركونة على جانبي الطريق!! وكان الطريق زحمة يعني عبسوق ببطء شديد فاستطعت ان اتأمله بشكل جيد.. كان حيا.. ولا يشكو من شىء.. بس قاعد على الارض!! وانا مستغرب من قعدته الغامضة... واذ افاجئ بعصفور مثله.. بعد 5 امتار منه.. ولكنه ميت!! لا اعرف كيف!! ولذلك شريكه او شريكته.. يقعد على الارض.. حزين يتأمل بشريك حياته.. وقد فارقه.. لا يأبه للسيارات المارة.. وكأنه ينتظر احدها ان تدوسه.. وتريحه.. من هل الحياة الفانية.. الخالية من الحبيب

..
بنتم وبنا.. فما ابتلت جوانحنا,, شوقا اليكم ولا جفت مآقينا...
نكاد حين تناجيكم ضمائرنا.. يقضي علينا الاسى... لولا تأسينا..
يا سبحان من زرع المحبة في القلوب

3- لمن يتشوق بعبقرية بشار الاسد.. بصموده وعدم سقوطه حتى الآن.. بعد مرور اربع سنوات! ونجاحه بتشويه الثورة.. وحرف مسارها.. بحب اقلو شي..
لو حافظ الاسد رجع للحياة.. كان يا انتحر ورجع للموت! يا اما شنقو لابنو مع كل رؤساء افرع المخابرات.. مع حسن زميرة.. ومن بيضاتون كمان!
لك سلمو بلد.. ما بيتخير عن كوريا الشمالية! شعب اطوع من البنان... شعب غنم.. غنم العادة.. وكتار منهم بيحلفوا براس الرئيس.. عن قناعة وغسيل دماغ.. لك تركلو بلد.. لا يمكن حدا يرفع صوتو ل100 سنة على الاقل!
تركلو بلد اهلو مسلمين بحكم ال الاسد لولد الولد....!
يرجع ويلاقي الكبير والولد عيلعن بروح الاسد!
لك تركلو تربيطه تحالفات.. داخلية وخارجية.. بتخفق اي ثورة بمهدا...
هيك.. بيصير ثورة.. ومسلحة كمان! وكمان بيصير خشخيشة بايد ايران! لك ايران كانت هي وحزب الشيطان لعبة بايد حفوظة... هلق انعكست الآية!!
لو ما ارث حافظ الاسد الجهنمي.. كان بشار ما بيصمد شهر.. اصلا لولا تخبيص بشار ومخابراته.. ما بتطول الثورة شهر! اش رأيكم بهل المعادلة.. السيرالية!
حافظ الاسد ديكتاتور.. ومجرم.. لكنو عبقرى.. كلمة حق يجب ان تقال..
وبصراحة.. عدو ذكي.. اهلون من عدو غبي! دمر حالو.. ودمرنا... بكل غياب.. وجحشنة

4- البنت الجدبة الارمنية.. اللي قعدت تتبوجج علينا.. يلهجة حلبية غير مكسرة!! بصراحة.. انا ما تابعت كلامها كلو.. لكن شدني كمية اللايكات الكبيرة ومن بينهم اصدقاء.. اقدرهم!!! والتشهير الكثير لمقطع الفيديو! فاعتقدت انو في كلام تقيل.. كما نقول " شفنا قبة فكرنا مزار.. طلع بالقبر كلب فطسان "
لاني لما قرأت.. شفت الكلام سخيف جدا! وبالمناسبة.. انا ما قرئت علاكها حول البراميل.. الاخ صهيب ابو عمرو



..مشكورا ..نورنا ببوستاته اللطيفة حول هل النقطة السوداء ..وعن مناشدتها للجيش وهل الحكي الفاضي ..اللي ما وصلت بقرايتي لعندو .زوقفت وما كملت ..
لما شغلت الفيديو ..عرفت السبب !! لانو البنت ..ارمنية (انو على اساس شهد شاهد من الطرف الآخر ..مع انو شهادتها بتهوي) ...والتاني والاهم ..انو عوشها لحسة لبن (ولا حدا يقلبي انو مو حلوة ومو محرزة ...هي مو حلوة يعني هل القد ..بس انا عبقول ..عوشها لحسة لبن ..مو اكثر ..ولبن مبستر مو بلدي) ..
الخلاصة ..كلامها لا يقل سخافة عن كلام جود عقاد..بس الفرق ..انو جود مو على وشها لحسة لبن ..وهي على وشها لحسة ..
لك..ريتكم ..تلحسوا انفي ..اش شعب نسونجي ..

atrash mazen